

12րդ յօդւածը շօշափում էր Բրեստ-Լիտովսկի դաշնագրից բխող փրաւունքները:

13րդ յօդւածի համաձայն ներկայ պայմանագրի սահմաններից դուրս եղող և գրաւած հողերը պէտք է անմիջապէս պարպէին:

Ըստ յաւելածների, թիւրքերն իրաւունք էին ստանում, պատերազմի դէպքում, Հայաստանի վրայով զօրք փոխադրել, Թիֆլիս-Երեւան-Ջուջա երկաթուղով ապահովւում էր ազատ երթեւեկութիւնը թիւրքերի և հայերի համար, հայ գերի գինւորները իրաւունք պիտի ունենային վերադառնալ Հայաստան, Կարսի և Բաթումի շրջանների հայ գաղթականները կարող էին մի ամսայ ընթացքում վերադառնալ իրենց տեղերը, միւս վայրերի գաղթականները՝ զաշնագիրը ստորագրելուց անմիջապէս յետոյ, իսկ թիւրքահայերի վերադարձի խնդրի լուծումը յետաձգւում էր ընդհանուր պատերազմից յետոյ:

Այսպիսով, ըստ Բաթումի դաշնագրի, Հայաստանը դառնում էր անկախ պետութիւն: Ահ ու դողով մտնում էր նա ինքնիշխան ազգերի համակեցութեան մէջ, իբրեւ ազատ անձնաւորութիւն միջազգային իրաւունքի: Նրա հողի տարածութիւնը, մօտաւորապէս, 12,000 քառակուսի կիլոմետր էր, բնակչութեան թիւը, գաղթականներով միասին՝ մօտ մէկ միլիոն: Եւ... մայրաքաղաքից Էօթը կիլոմետր հեռու՝ նայում էին թիւրքական թնդանօթները...